

PITA TAKADA KAAKU

Tāmaa kū àdi ní nero

¹ Makū Pita, Yesu Kirisi zìri mé à takada dí kè Luda gbē kū ò de nibɔɔ ũ andunia dí gūn, kū ò fākɔana bùsu díkĩnanɔ gūnnɔnɛ: Pɔntu, Galatia, Kapadosia, Asia kū Bitiniaio. ² De Luda gĩnake à á dš, akū à á sé, a gš a pɔ ũ kū a Nini gbānao, de à mì nate Yesu Kirisine, a aru gbà boáre. Luda gbēke kū aafiao karaáre.

³ Ó Luda ó Dikiri Yesu Kirisi De sáabu kpá! A sùru zškɔ gūn à ó í dufu kū Yesu Kirisi vuna gan gbānao, akū ó tāmaa kū àdi ní nero vī, ⁴ zaakū túbi kū à ditenaáre ludambe pìi dì lákaro, àdi gbāsī kpáro, a mana dì lákaro. ⁵ Luda soru kè à làka de à á sura ba a náani kū áten ke yāi, akū áteni á dākpā kū a gbānao ari à gé bo kū surabanaa pìio gupuraa gɔɔ kpede zī. ⁶ Áten pɔnna ke kū yā pìio, bee kū áni wari ke gĩa fíti yšogwana buri sīnda pínki yāi. ⁷ Lákū òdi wura mana dš té gūn nà, len òteni á ludanaanikena yš à gwa le, zaakū á ludanaanikena pìi bēere vī de wura kū a gakuri dì lákala manamana. Tó a bo mana, Luda ni á sáabu kpá Yesu Kirisi sugɔɔ zī, ani á kpe ta kū gakurio. ⁸ Bee kū ádi a ero, á yei. Bee kū ádi wé ke pla kāao zikiro, áteni a náani ke, akū áten pɔnna zškɔ kū à gè onala ke, ⁹ kū áteni á ludanaanikena gbè le á surabana ũ yāi.

¹⁰ Annabinɔ gĩnake ò gbēke kū Luda ni ke kááo yā ò, ò surabanaa pìi yā gwà, ò a tàasii kà. ¹¹ Kirisi Nini

kū à kú ñ gūn gĩnake à wari kū Kirisi pì ni ke òñne kū gakuri kū ani le a gberao, akū ò wète ò yā pì zé dō kū a gɔɔɔ. ¹² Akū Luda tò ò dō kū yā kū òten o pì de ñ gɔɔ pó ũro, á pómɛ. Tera sà baarunnakparinɔ yā pì òáre kū Luda Nini kū Luda pì zì bona ludambɛ gbānao. Bee malaikanɔ se òten ɔsi ká yā pì dōnaai.

Kunna adona

¹³ Abire yāi àgō kú á laakariia, àgō á zīda kūna dō, á wé gō dɔ gbēke kū Luda ni keáre Yesu Kirisi sugɔɔ zī sikaa sari. ¹⁴ Lákū á de Luda né kū òteni a yā manɔ ũ nà, àsun tó dà vāni kū á vī yā á wésiragɔɔ doáre arero. ¹⁵ Luda kú adoname. Lákū à á sisi à á sé nà, àgō kú adona á yākena sīnda pinki gūn le se. ¹⁶ Zaakū ò kè Luda yān ò pì:

Àgō kú adona,
zaakū má kú adoname.

¹⁷ Zaakū Luda dī yākpate ke kū baadio a yākenaaa ñ wé gwanaa sari, tó áteni a sisi De, à vīna kene á nibokenaa gūn la. ¹⁸ Á dō lákū Luda á bó kunna kori kū à de á futeokarayā ũ gūn nà. Luda dí á bo kū pó kū a gakuri dī lákaoro, lán wura ke andurufu bà, ¹⁹ à á bó kū Kirisi aru gakurideome, kū à de lán sāne bɔɔ kū à mamberu vīro à gbāsī vīro bà. ²⁰ Luda gĩnake à a dīte zaade adi andunia kátero, akū à bòáre kāao gupuraa gɔɔ kpède díkīnanɔ zī. ²¹ A yā musun áten Luda náani ke. Luda a bò gan à gakuri kpàa, de à le à a náani ke, á wé gō dɔi.

²² Lákū mīnatena yāpuraɛɛ gbà bòáre nà, akū a gō kō gbēnɔ ũ manafiki sari, àgō yekōi kū nèse mèn doo. ²³ Luda á í dufu kū a yā wèndide kū àdigō kun

gbānao. Yā pì de póburi kũ àdi ga ũro, póburi kũ àdi garomε.

²⁴ Gbē sīnda pínki de lán sēε bàme,

ń gakuri de lán sēvu bàme pínki.

Sēε dì kori ke, a vú dì kóte,

²⁵ ama Dikiri yā ògō kun goro sīnda pínki.

Yā pì mé à de baaru nna kũ ò kpàáε ũ.

2

Gbè wèndide

¹ Abire yāi à yā vāni sīnda pínki tó kũ éketona sīnda pínki kũ manafikio kũ nēεgōbao kũ kōyakanaao. ² Lákũ nékpāntēno ògō yō'i ni de nà, àgō Luda yā kũ à de lán vī'ipu swáswa bà ni de le se, de à le à gbā á surabana zé gūn, ³ tera sà kũ a dō kũ Dikiri mana. ⁴ À nai, àkūme gbè wèndide kũ ò gii ũ, ama Luda a sè bèεrede ũ. ⁵ Ákōno sō á gbè wèndide kũ Luda teni a kpé ε boonō ũ. Ákōno me a gbàgbarinō ũ, adì sa kũ àdi káagu o kũ a Nini gbānao Yesu Kirisi gāi. ⁶ Zaakū ò kē Luda yān ò pì:

Ń gwa, maten gbè dite Zaiš,

ēpetena gbè bèεrede kũ ma sè ũ.

Wé'i ni gbē kũ àteni a náani ke kũro.

⁷ À de gbè bèεrede ũ ákōno kũ áteni a náani keronε, ama à de le gbē kũ òteni a náani keronεero.

Gbè kũ kpéborinō pā kpai

mé à gō kpé kusuru gbè mède ũ.

⁸ Len do à de:

Gbè kũ òdi gē síá ũ,

gbèsi kũ òdi kpáala ò léte ũ.

Ò gèè sià, kũ odi Luda yã daro yãì. Len Luda dìteíne le.

⁹ Ákõnõme buri kũ Luda ń sénõ ù, ḱnanõ kũ sa'orinõ ù, a gbẽ kũ ò kú adonanõ ù, de à Luda kũ à á sisi a bo gusiran, à gèè kãáo a gupura bonsarẽde gũn sáabu kpá.

¹⁰ Á de Luda gbẽnõ ù yãro, ama tera sà a gõ ń ù. Luda dí sùru ke kãáo yãro, ama tera à kè kãáo.

Kunna ludanaanikerisarinõ té

¹¹ Ma gbẽ yenyĩdenõ, lákũ á de nibõ kũ bòasunõ ù nà andunia dí gũn, maten lé daáwa, à mì kè á dà vãni kũ òdi zì ká kãáonõa. ¹² Àgõ kun gbẽ bèèredenõ ù kifirinõ té. Lemẽ do bee tó ò á díte yãvãnikerinõ ù, tó ò yã mana kũ áten kenõ è, oni Luda sáabu kpá gõrõ kũ ani suñyĩ.

¹³ À mì nate ikode kũ bisãsiri dìtenõne ń pínki Dikiri yãì, ḱna kũ à gbãna vĩ deńlan yá, ¹⁴ ke gbãnade kũ à dìte à wé tã yãvãnikerinõa à yãmanakerinõ sáabu kpá. ¹⁵ Luda poyenyĩnaan dí: Á yãmanakena gũn, áni yõnkõ wésiradenõ lé yĩteíne. ¹⁶ Àgõ zĩdadennõ ù, ama àsun tó á gõna zĩdadennõ ù gõáre vãnikena zé ũro. Àgõ kun Luda zòblerinõ ù. ¹⁷ À bèère li gbẽ sĩnda pínkinẽ. Àgõ ye á Yesude dakenõ. À vĩna ke Ludanẽ. À bèère lí ḱnanẽ.

¹⁸ Zìkerinõ, à mì nate á dikirinõne, à zòkòke dõńne yã sĩnda pínki gũn. Adi ke dikiri mana nèsedodenõne ńtẽnlenlo, ama kũ ń gbẽ pãsinõome se. ¹⁹ Tó ò wé tãáwa pã, tó a mena fõo Luda yãì, abirekũ sáabu vĩáre. ²⁰ Tó ò á gbẽ á taari yãì, tó a

mena f̄so, abirekū tó nna v̄i máa? Ama tó a wari kè yā mana kū a kè yāi, tó a mena f̄so, Luda ni á sáabu kpá. ²¹ Abire yāin Luda á sisi à á sé. Kiri si wari kèáre, à zé m̀áre de àḡo té a gèsegb̄ei yāi.

²² Adi durunna kero, odi ma à éke tòro.

²³ Kū ò a s̄s̄s̄, adi yā síl̄aro. Kū à wari kè, adi yā p̄s̄i ke on̄nero, à zè kū Luda yākpatekeri man-aome. ²⁴ Àkū mé à ó durunna ò dì a miia, à gào lía, de ó bàka s̄unḡo kú kū durunna ò doro, òḡo kú yāmanakēnaa gūn. A fl̄aḡben̄o mé ò ó gbá aafia.

²⁵ Zaakū a s̄ate lán s̄an̄o bà yā, akū a are d̀ò á D̀ari kú á D̀akp̄ariioo tera sà.

3

Kunna k̄so

¹ N̄ogb̄en̄o s̄s̄, à á z̄ida kpá á z̄an̄o. Tó n̄ gb̄eken̄o ten Luda yā daro, á kunna ni n̄ lite. Bee tó ádi yāke on̄nero, ² oni e kū á kun gb̄ās̄i sari, akūs̄o á á z̄ida kp̄am̄ma. ³ Àsun tó á n̄omanake ḡo m̀è yā ūro, mit̄ana ke n̄omanableb̄on̄o ke p̄okasadanaan yá.

⁴ Ama àḡo de á n̄eseḡunyā kū àdi láraro ū, n̄eseȳida kū z̄idabusanaao. Abirekū mé à bèere v̄i Ludane.

⁵ Zaakū len n̄ogb̄e donȳiri kū n̄ wé d̀o Ludai yān̄o n̄ z̄ida kèke le, ò n̄ z̄ida kpá n̄ z̄an̄o. ⁶ Len Sara de le, àdi Ibrah̄i yā ma, àdi a sisi Baa. Tó át̄en yā mana ke, tó át̄en p̄o kū òdi v̄ina ken̄e yā daro, a Sara d̀aa s̄en gwe.

⁷ Ḡogb̄en̄o s̄s̄, àḡo kú k̄únwo n̄ogb̄eke d̄onn̄ena gūn, àḡo yā mar̄ma, de p̄oke s̄un kp̄áare á aduakēnaa gūnlo, zaakū á de w̄endi gbablerin̄o ū leel̄eme.

⁸ Abire gb̄era àḡo lédok̄on̄o v̄i k̄so á p̄ínki. Àḡo k̄s̄ w̄enda d̄s̄, àḡo yek̄oi, àḡo gb̄eke v̄i k̄so, à busak̄one.

9 Àsungõ a vāni fīna bo kũ a vānioro. Àsungõ gbẽ kũ à á s̄s̄s̄ s̄s̄s̄ro. À sa mana onε, zaakũ Luda á sisi de à arubarika daágu yāimε.

10 Gbẽ kũ à ye àgõ kú nmananan, akũs̄ à ye a kunna gõ mana, à a lé kũ kũ yāvāni'onaa, àsun tó éke bo a lénlo.

11 Ade kpε li a vāninε, à a mana ke, à aafia zé wεε àgõ téi.

12 Zaakũ Dikiri ògõ gbẽ manano tàasi ká, a s̄á kpá n̄ aduakenaai, ama àdi mìkperε zu yāvānikerin̄nε.

Wétāmma yāmanakena yāi

13 Tó á kokari vī kũ yāmanakenaao, dí mé ani wé tááwaa? 14 Bee tó a wari kè yāmanakena yāi, á arubarika vī. Àsungõ vīna ke n̄ wétāmmaanero, àsun tó á swè kēáguro. 15 À Kirisi d̄s̄ Dikiri ū á swèε gūn. Àgõ kú soru gūn ḡr̄o s̄inda pínki, de à le à yā we gbẽ kũ àteni á la yā kũ á wé d̄ii m̄iia. 16 Àgõ ōnε busebuse kũ bèerelinnenaao. À ōnε kũ nèsepuraο d̄, de wé'i gbẽ kũ òteni á s̄s̄s̄ á yāmanakena Kirisi gūn̄o kũ. 17 Warikena Luda p̄yenyīnaa gūn yāmanakena yāi mana de warikena yāvānikena yāila.

18 Kirisi gà gèn do durunnakēmmana yāi. Taarisaride gà ók̄n̄o taariden̄o yāi, de à le à gé k̄oo Luda kīnaa. Ò a dè m̄ε gūn, akũ Luda a vù ninike gūn. 19 A ninike p̄i gūn à ḡε à waazi kè gyāwānde kũ ò n̄ ká kp̄ésirann̄nε. 20 Ò bò Luda yā kp̄emε yā, ḡr̄o kũ à mena ari Nuhu ḡε à gó'ite kè à làkao. Gbẽ kũ ò bò ín aafia gó p̄i gāin̄n

dasiro, gbēnɔn sɔraakɔ. ²¹ Í pì mé à de á da'itekɛna kũ àdi á sura ba tera taka ũ. Da'itekɛnaa pì bi mè gbāsīworona yānlo, lésɛna Ludanɛ kũ nèsɛpuraomɛ. Àdi n̄ sura ba, kũ Yesu Kirisi bò gan yāi. ²² À gbāna blè malaikanɔa kũ tānanɔ kũ n̄ gbānadenɔ kũ n̄ ikodenɔ, akũ à tà ludambɛ, à kú Luda ɔplai.

4

Bona kunna zīn

¹ Lákũ Kirisi wari kè a mèn nà, ákɔnɔ se à nèsɛ bire buri sé, zaakũ gbē kũ à wari kè a mèn, ade mì kè durunnaamɛ. ² Gɔrɔ kũ à gòáre á kunnaa gūn, á dà vāni súnḡɔ doáre are doro, séde Luda pɔyenyīnaa. ³ Á kunna kifirinɔ yākenaa gūn yā mò lɛ. Yā á kú wé'isariyākenaa gūn kũ dàvāninidenaao kũ wēdekɛnaao kũ pāpā kókɔo kũ wēmikókɔ bēnɛɛo kũ tānagbagbana kũ Luda zàaguo. ⁴ Kũ adì kakara kũnwo n̄ pāpā zókɔo pì kenaa gūn doro, àdi keíne yābonsare ũ, akũ òdi á tó vāni sí. ⁵ Oni n̄ yākenanɔ baba Ludanɛ, kũ à yākpatekɛna kũ gbē bēnɛnɔ kũ gyāwāndenɔ soru kè. ⁶ Ò baaru nna kpà bee gyāwānde pìnɔne se, de ò le òḡɔ kú ninike gūn lán Luda bà, bee kũ yā vùtɛm̄ma m̀ɛe gūn lán gbē sīnda pínki bà.

Ludayāmarinɔ

⁷ Pó sīnda pínki lakanaa kà kāni. Abire yāi àḡɔ de laakaridenɔ ũ, àḡɔ á zīda kũna d̄s de àḡɔ adua ke yāi. ⁸ Yā kũ à de a pínkilan dí: Àḡɔ yekɔi kũ nèsɛ mèn doo, zaakũ yenyī òdi pó kúte durunnaɔa dasi. ⁹ À yàri kekɔne yāketekanaa sari. ¹⁰ Lákũ Luda gba dà á baadinɛ nà, à kpákɔi kũ gba pìnɔ Luda gba

buri donadona zĩkeri manano ũ. ¹¹ Gbẽ kũ à de waazikeri ũ, à Luda yã oĩne. Gbẽ kũ à de kpányĩri ũ, à kpányĩ kũ gbãna kũ Luda a gbào, de à Luda tó kpá yã sĩnda pínki gũn Yesu Kirisi gãi. Àkũ mé à gakuri vĩ kũ gbãnao gɔɔ sĩnda pínki! Aami.

Warikena Yesudeke yã

¹² Ma gbẽ yenyĩdeno, àsun tó yɔogwana pāsĩ kũ àteni á le bo á sare lákũ yã dufu mé à á lé bàro.

¹³ Lákũ á bàka kú Kirisi warikena gũn nà, à ponna keo de à le àgɔ ponna zɔkɔ vĩ gɔɔ kũ Kirisi pì ni bo gupuraa kũ gakurio. ¹⁴ Tó ò á sɔsɔ Kirisi tó kũ à kúáwa yã, á arubarika vĩ, zaakũ Luda Nini gakuride kúáwa.

¹⁵ Á gbẽke sún wari ke gbẽdena ke kpáni'ona ke yãbẽnekena ke gude yãiro. ¹⁶ Tó a wari kè á Yesudeke yã, àsun keáre wé'iyã ũro. À Luda sáabu kpá kũ Yesu tó kúáwa yã.

¹⁷ Zaakũ wétãmmagɔɔ kà, Luda gbẽno à nàa kũńwo. Lákũ ókɔno me à nàa kũoo káaku nà, ani láka kũ gbẽ kũ ò gĩ Luda baaru nna maino deramee?

¹⁸ Zaakũ gbẽ manano surabana zĩ'ũ, yã ni bo kũ ludayãdarisarino kũ durunnakerino deramee?

¹⁹ Abire yã gbẽ kũ òten wari ke Luda poyenyĩnaa gũnno ñ zĩda na ñ Kèri nánidenɛ a ɔĩ, ò kpé ògɔ yã mana ke.

5

Luda sã kpàsa gwanaa

¹ Maten lé da ákɔno gbẽ zɔkɔno sà. Gbẽ zɔkɔno ma ũ se. Má de wari kũ Kirisi kèe sèedade ũ, akũsɔ ma bàka nigɔ kú kũ gakuri kũ ani bo gupuraaao se.

² Àgɔ de kpàsa kũ Luda kàteáre dàrinno ũ. À ɔ likai

kū poyeinaao, adi ke tilasinlo, lākū Luda yei nàme. Adì ke ɔɔwɛtɛna yāinlo. À ke kū nèse mèn doo dé. ³Àsungɔ gbāna mɔ gbɛ kū ò n nááre á ɔĩ pìnɔaro. À tó á kunna gɔ á sã pìnɔ da a zéa, ⁴áni kífura kū a gakuri dī lākaro le gɔɔ kū Sādāriki ni su.

⁵Ákɔnɔ kefennanɔ sɔ, à á zīda kpá gbɛ zɔkɔnɔa. Á pínki à á zīda busakɔne à kpákɔi, zaakū Luda dī ibere sé kū zīdabirinɔ, ama à gbɛke vī kū zīdabusarinɔ.

⁶Abire yāi à á zīda busa Luda gbānadene, ani á kara gɔɔ kū à dītea. ⁷À á yā'ümmananɔ tónɛ pínki, zaakū àdi laakari dɔáwa.

⁸Á wé gɔ dɔ, àgɔ kú á laakariia. Á ibere Ibilisi de lán músu ɔɔdɔrii bàme. Àten kpáte keái, àten gbɛ wete à kū. ⁹À gíne, à ze gbāna ludanaanikenaa gūn, zaakū á dɔ kū á Yesude dake kū ò kú andunia gūnnɔ n pínki ten wari dokɔnɔ pì keme se. ¹⁰Luda Arubarikasīndapinkide á sisi a gakuri kū àdi lākaroa Kirisi gūn. Tó a wari kè fīti, ani á bo mana, ani á ze gíngin, ani á gba gbāna, ani á zīni péte. ¹¹Ákū mé à gbāna vī ari gɔɔ sīnda pínki! Aami.

Lézammanaa

¹²Ma takada fīti dí kěáre kū ó gběndo Silasi ɔome. À demene gbɛ náanide ũ. Ma lé dàáwa, má de a sèedade ũ kū yā kū ma ò de Luda gbɛke yāpura ũ. À zeo gíngin. ¹³Babilɔnu gbɛ kū Luda n sé lán á bànɔ fɔ kpàáwa. Ma né Maaku fɔ kpàáwa dɔ. ¹⁴À fɔ kpákɔa kū lépemmanao yenyī gūn. Luda ákɔnɔ kū á kú Kirisi gūnnɔ gba aafia á pínki.

Luda yá takada kú Bisá yáo **Portions of the Holy Bible in the Busa language of** **Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3